

Izveštaj o radu Uprave policije MUP-a Kantona Sarajevo  
za mjesec mjesec juni 2021.godine

## KRIMINALITET

### STATISTIČKI POKAZATELJI

U mjesecu junu 2021. godine na području Kantona Sarajevo, prema službenim evidencijama Uprave policije MUP-a Kantona Sarajevo, registrovana su 374 događaja sa obilježjem krivičnog djela (što je za 27 ili 6,7% manje u odnosu na isti mjesec prethodne godine).

Od ukupnog broja registrovanih događaja sa obilježjem krivičnog djela, 199 ili 53,2% je evidentirano po poznatom izvršiocu, a 175 ili 46,8% po nepoznatom izvršiocu.

Od ukupno 175 događaja sa obilježjem krivičnog djela evidentiranih po nepoznatom izvršiocu, naknadno je rasvijetljeno 19 ili 10,9% (što je za 12,5% manje u odnosu na uporedni mjesec) od čega su dva događaja evidentirana u mjesecu junu, a 17 u ranijem periodu.

U izvještajnom mjesecu Uprava policije MUP KS je nadležnim tužilaštvima prosljedila na odluku putem administrativnog djelovodnika ukupno 273 obavijesti (84 više) o događajima u kojima je pričinjena neznatna materijalna šteta<sup>1</sup>.

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA  
U MJESECU JUNU 2021/20. GODINE

mjesec	Broj događaja sa obilježjem krivičnog djela			Broj naknadno rasvijetljenih događaja evidentiranih po nepoznatom izvršiocu		Broj evidentiranih lica			Broj lica lišenih slobode
	Ukupno	od toga		Ukupno	od toga iz ranijeg perioda	Ukupno	od toga		
		po poznatom izvršiocu	po NN izvršiocu				maloljetnici	povratnici	
<b>JUNI 2021. GODINE</b>	<b>374</b>	<b>199</b>	<b>175</b>	<b>19</b>	<b>17</b>	<b>178</b>	<b>6</b>	<b>103</b>	<b>69</b>
JUNI 2020. GODINE	401	145	256	60	23	195	5	128	82
<i>uporedba</i>	-27	54	-81	-41	-6	-17	1	-25	-13
	-6,7%	37,2%	-31,6%	-68,3%	-26,1%	-8,7%	20%	-19,5%	-15,9%

U toku mjeseca juna ove godine prijavljeno je 178 lica (17 manje), od kojih su 103 povratnika (25 manje) (ili 57,8% od ukupnog broja prijavljenih lica), šest maloljetnika (jedan više), a 69 lica je lišeno slobode (13 manje).

Za događaje sa obilježjem krivičnog djela, koji su evidentirani u mjesecu junu 2021. godine, prema izjavama oštećenih lica, nastupila je materijalna šteta u ukupnom iznosu od 619.182,40 KM i 9.000 €.

**TABELARNI PREGLED DOGAĐAJA SA OBILJEŽJEM KRIVIČNOG DJELA U MJESECU JUNU 2021/20. GODINE  
NA PODRUČJU KANTONA SARAJEVO PREMA KRIVIČNOM ZAKONU FBiH-a I BiH-a**

KZ FBiH-a i KZ BiH-a	JUNI 2021. GODINE	JUNI 2020. GODINE	uporedba ukupnog broja događaja sa obilježjem krivičnog djela		broj događaja po poznatom izvršiocu	broj događaja po NN izvršiocu	ukupan broj naknadno rasvjetljenih događaja	
			+ / -	%			broj	%
Protiv života i tijela	<b>27</b>	16	11	68,8%	25	2	0	0%
Protiv slobode i prava čovjeka i građanina	<b>15</b>	14	1	7,1%	15	0	0	---
Protiv spolne slobode i morala	<b>1</b>	1	0	isto	1	0	0	---
Protiv braka, porodice i mladeži	<b>21</b>	20	1	5%	21	0	0	---
Protiv zdravlja ljudi	<b>29</b>	42	-13	-31%	29	0	0	---
Protiv privrede poslovanja i sigurnosti platn..	<b>1</b>	2	-1	-50%	1	0	0	---
Protiv imovine	<b>201</b>	272	-71	-26,1%	39	162	18	11,1%
Protiv opće sigurnosti ljudi i imovine	<b>13</b>	11	2	18,2%	3	10	0	0%
Protiv sigurnosti javnog prometa	<b>7</b>	6	1	16,7%	7	0	0	---
Protiv pravosuđa	<b>2</b>	0	2	---	2	0	0	---
Protiv javnog reda i pravnog prometa	<b>30</b>	9	21	233,3%	30	0	0	---
Protiv podmićivanja i KD protiv službene ...	<b>21</b>	1	20	2000%	20	1	1	100%
Protiv sistema elektronske obrade podataka	<b>2</b>	0	2	---	2	0	0	---
ZONDINOIM-a - Zakon o nabavljanju, držanju i nošenju oružja i municije (Sl.novine KS br.01/18)	<b>4</b>	7	-3	-42,9%	4	0	0	---
<b>UKUPNO</b>	<b>374</b>	401	-27	-6,7%	199	175	19	10,9%

U mjesecu junu 2021. godine u odnosu na isti mjesec prethodne godine, zabilježeno je smanjenje broja registrovanih događaja sa obilježjem krivičnog djela za 27 ili 6,7%. Najznačajnije smanjenje zabilježeno je u oblastima protiv imovine (za 71 događaj) i zdravlja ljudi (za 13), dok su povećanja evidentirana u oblastima protiv javnog reda i pravnog prometa (za 21 događaj), „podmićivanja“ (za 20), života i tijela (za 11), itd.

**PREGLED DOGAĐAJA SA OBILJEŽJEM KRIVIČNOG DJELA PO OBLASTIMA**

**PROTIV ŽIVOTA I TIJELA**

Tokom juna 2021. godine evidentirano je 27 događaja sa obilježjem krivičnog djela iz oblasti protiv života i tijela (11 više u odnosu na mjesec juni 2020. godine) i to 25 po poznatom i dva po nepoznatom izvršiocu. Evidentirani su slijedeći događaji:

- ubistvo (član 166. KZ FBiH) – jedan događaj,
- ubistvo u pokušaju (član 166. U vezi člana 28. KZ FBiH) – dva,
- teška tjelesna ozljeda (član 172. KZ FBiH) – devet i
- lahka tjelesna ozljeda (član 173. KZ FBiH) – 15 događaja.

Nadležnom tužilaštvu podneseni su službeni izvještaji protiv 20 lica, od koji je 11 povratnika (ili 55%), a sedam je lišeno slobode.

**PROTIV SLOBODE I PRAVA ČOVJEKA I GRAĐANINA**

Iz ove oblasti evidentirano je 15 događaja sa obilježjem krivičnog djela (jedan više) i to ugrožavanje sigurnosti za čije je izvršenje prijavljeno 16 lica, od kojih je devet povratnika (ili 56,3%), a tri su lišena slobode.

## PROTIV BRAKA, PORODICE I MLADEŽI

Iz oblasti protiv braka, porodice i mladeži u mjesecu junu evidentiran je 21 događaj sa obilježjem krivičnog djela (jedan više) i to nasilje u porodici, za čije izvršenje je prijavljeno 21-no lice, od kojih je devet povratnika (ili 42,9%), a 14 lica je lišeno slobode.

## PROTIV ZDRAVLJA LJUDI

Evidentirano je 29 događaja sa obilježjem krivičnog djela iz oblasti protiv zdravlja ljudi (13 manje) i to:

- neovlašćena proizvodnja i stavljanje u promet opojnih droga (čl. 238. KZ FBiH) – šest i
- posjedovanje i omogućavanje uživanja opojnih droga (čl. 239. KZ FBiH) – 23 događaja.

Nadležnom tužilaštvu podneseni su službeni izvještaji protiv 29 lica, među kojima je 19 povratnika (ili 65,5%) i 12 lica je lišeno slobode.

Policijski službenici Uprave policije su Kantonalnom tužilaštvu Sarajevo podnijeli službeni izvještaj protiv šest lica zbog postojanja osnova sumnje da su u proteklom periodu u više navrata kupovali opojnu drogu "Marihuana", "Amfetamin", „Heroin“ od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona, čime bi počinili krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga), a protiv 23 lica koja su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga ("Marihuana", "Heroin", "Ecstasy", itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

## PREGLED ODUZETE KOLIČINE OPOJNIH DROGA U MJESECU JUNU 2021/20. GODINE

VRSTA OPOJNE DROGE	juni 2021. godine	juni 2020. godine
Marihuana (paketići)	5	143
Marihuana (u gramina)	82,978	1.561,8
Heroin (u gramima)	30,163	66,7
Amfetamin (paketići)		19
Amfetamin (u gramima)	25,76	3,1
Extazy (tablete kom.)	33	----
Extazy (u gramima)	---	4
Speed (u gramima)	---	4,1
pribor sa ostacima droge (komada)	9	10

## PROTIV IMOVINE

U ovom mjesecu, evidentiran je 201 događaj sa obilježjem krivičnog djela protiv imovine (29 po poznatom i 162 po nepoznatom izvršiocu) što je za 71 ili 26,1% manje u odnosu na isti mjesec prošle godine. Iz ove oblasti evidentirani su slijedeći događaji sa obilježjem krivičnog djela:

- teška krađa (član 287. KZ FBiH) – 93 (27 manje),
- krađa (član 286. KZ FBiH) – 66 (20 manje),
- oštećenje tuđe stvari (član 293. KZ FBiH) – 15 (četiri više),
- razbojništvo (član 289. KZ FBiH) – 10 (28 manje),
- prijevera (član 294. KZ FBiH) – pet (tri više),
- teška krađa u pokušaju (član 287. u vezi člana 28. KZ FBiH) – četiri (jedan više),
- utaja (član 290. KZ FBiH) – četiri (dva više) i
- razbojništvo u pokušaju (član 289. u vezi člana 28. KZ FBiH)- četiri (jedan više).

Nadležnom tužilaštvu podneseni su službeni izvještaji protiv 36 lica, od kojih je 22 povratnika (ili 61,1%), a 12 je lišeno slobode.

Od ukupno 162 događaja evidentiranih po nepoznatom izvršiocu iz oblasti protiv imovine naknadno je rasvijetljeno 18 ili 11,1% što je za 12,3% manje u odnosu na juni 2020. godine.

Tokom mjeseca juna ove godine, prema objektima izvršenja teških krađa, 25 je izvršeno u stambene objekte (32 manje), 23 u poslovne prostore (15 manje), 22 u motorna vozila (otuđenja motornih vozila i "provale" u ista) (sedam više), na ulici – devet ((isto), itd.

Takođe, evidentirano je deset otuđenja motornih vozila, a dva su pronađena i vraćena vlasnicima od strane policijskih službenika Uprava policije MUP-a Kantona Sarajevo.

Evidentirano je 66 događaja sa obilježjem krivičnog djela krađe (20 više) i to: na ulici –25 puta, u poslovnim prostorima – 16, u stambenim objektima - 14, u vozilima i na stajalištima GRAS-a – osam, itd. odakle su otuđivani mobiteli, novčanici, prehrambeni proizvodi, bicikli, alati, itd.

Evidentirano je osam događaja sa obilježjem krivičnog djela teških krađa na naročito opasan ili naročito drzak način (pet manje), u kojima su izvršiocu, upotrebom fizičke snage (otimanjem i trganjem), otimali nakit, novac, mobitele i jedan romobil i svi su evidentirani na ulici. Nadležnom tužilaštvu podnesen je službeni izvještaji protiv jednog lica povratnika u činjenju krivičnih djela, koji je lišen slobode.

U mjesecu junu ove godine evidentirano je značajno smanjenje događaja sa obilježjem krivičnog djela razbojništva (za 28 događaja ili 73,7%). Registrovano je deset razbojništava (osam po nepoznatom i dva po poznatom izvršiocu) i to na području slijedećih policijskih uprava: V PU – tri (dva manje), III PU – dva (šest manje), IV PU - dva (devet manje), II PU – jedan (osam manje), I PU – jedan (dva manje) i VI PU – jedan događaj (nije bilo događaja u uporednom mjesecu).

Razbojništva su izvršena prijetnjom upotrebe vatrenog oružja - tri puta, prijetnjom upotrebe noža ili drugog oštrog predmeta – četiri i upotrebom fizičke snage – tri, a počinjena su na ulici šest puta, u prodavnici, apoteci, benzinskoj pumpi i haustoru – po jedno. Otuđivani su mobiteli i novac.

Nadležnom tužilaštvu podneseni su službeni izvještaji protiv tri lica, od kojih je jedan povratnika (ili 33,3%), koji je lišen slobode. Od ukupno osam događaja razbojništava evidentiranih po nepoznatom izvršiocu, naknadno su rasvijetljena četiri (tri događaja su iz ranijeg perioda) ili 50% (što je za 9,4% manje u odnosu na uporedni mjesec).

#### PROTIV OPĆE SIGURNOSTI LJUDI I IMOVINE

Iz ove oblasti evidentirano je 13 događaja (dva više) i to: - izazivanje opće opasnosti – 11, nesavjesno čuvanje pasa i drugih opasnih životinja i izazivanje opće opasnosti u pokušaju – po jedan događaj, a nadležnom tužilaštvu podneseni službeni izvještaji protiv tri lica, od kojih su dva povratnika (ili 66,7%) i dva su lišena slobode.

Događaji sa obilježjem krivičnog djela izazivanje opće opasnosti izvršeni su na otvorenom prostoru – deset puta i u poslovnom objektu – jednom pri čemu je u jednom slučaju aktivirana nepoznata eksplozivna naprava, devet puta je otvorenim plamenom izazvan požar i u jednom slučaju je upotrijebljeno vatreno oružje. Posljedice su nastala materijalna šteta i uznemirenost građana.

U ovoj oblasti evidentirano je 30 događaja sa obilježjem krivičnog djela (21 više) i to: krivotvorenje isprave – 19<sup>2</sup>, nasilničko ponašanje i napad na službenu osobu u vršenju poslova sigurnosti – po pet i nedozvoljeno držanje oružja ili eksplozivnih materija - jedan događaj.

Nadležnom tužilaštvu podneseni su službeni izvještaji protiv 32 lica od kojih je 17 povratnika (ili 53,1%), a devet lica je lišeno slobode.

#### **DOGAĐAJI SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA**

U mjesecu junu 2021. godine evidentirano je sedam događaja sa obilježjem krivičnog djela, u kojima je učestvovalo šest maloljetnih lica. U odnosu na isti mjesec 2020. godine povećan je broj događaja sa obilježjem krivičnog djela za tri ili 75% kao i broj maloljetnih lica za jedan ili 20%. Prijavljeni maloljetnici su u dobi od 14 do 16 – dva i od 16 do 18 godina – četiri, a jedan je povratnik u izvršenju događaja sa obilježjem krivičnog djela.

STAROSNA DOB MALOLJETNIH LICA  
JUNI 2021/2020. GODINU

MJESEC	od 14 do 16 god.	od 16 do 18 god.	ukupno
juni 2021. godina	2	4	6
juni 2020. godina	1	4	5

Događaji sa obilježjem krivičnog djela u kojima su učestvovala maloljetna lica, evidentirani su u sljedećim organizacionim jedinicama Uprave Policije:

- Uprava Policije u sjedištu – jedan događaj (spolni odnošaj s djetetom),
- III PU - četiri događaja (teška tjelesna ozljeda, posjedovanje i omogućavanje uživanja opojnih droga, teška krađa u pokušaju i nasilničko ponašanje),
- IV PU – jedan događaj (ZONDINOIM),
- VI PU – jedan događaj (razbojništvo u pokušaju).

#### **OSTALA PROTIVPRAVNA I ASOCIJALNA PONAŠANJA**

##### **AKTIVIRANJE MINSKO-EKSPLOZIVNIH SREDSTAVA**

U toku mjeseca juna 2021. godine na području Kantona Sarajevo evidentirana su dva događaja aktiviranja minsko-eksplozivnih sredstava (isto kao u mjesecu junu 2020. godine) usljed čega je nastupila smrt jednog lica (samoubistvo) i materijalna šteta. Preduzimaju se aktivnosti na rasvjetljavanju jednog događaja i pronalaženju učinilaca.

U toku juna 2021. godine nije bilo evidentiranih događaja anonimnih dojava o postavljanju eksplozivnih naprava (kao u junu 2020. godine).

##### **POŽARI**

Tokom mjeseca juna 2021. godine, na području Kantona Sarajevo registrovano je 17 požara (šest više u odnosu na isti mjesec prethodne godine), koji su za posljedicu imali materijalnu štetu.

Požari su registrovani na području općina: Ilidža - pet, Hadžići - četiri, Vogošća - tri, Novo Sarajevo - dva, Novi Grad - dva i Ilijaš - jedan požar.

Prema statističkim pokazateljima, devet požara je izazvano namjerno, četiri zbog tehničkih nedostataka, dva nehatom, dok uzroci dva požara spadaju u kategoriju ostalih.

Požari su registrovani u:

- Saobraćajnim sredstvima - sedam puta,
- Stambenim objektima - šest,
- Pomoćnom objektu- jednom,
- Poslovnom prostoru - jednom,
- Ostalim objektima - dva puta.

Zbog izazivanja požara, nadležnom tužilaštvu podneseno je devet službenih izvještaja iz člana 323 KZ FBiH (izazivanje opće opasnosti).

#### SAMOUBISTVA

U mjesecu junu 2021. godine na području Kantona Sarajevo registrovano je pet samoubistava (četiri više), koja su izvršena: vješanjem - dva puta, upotrebom vatrenog oružja, aktiviranjem eksplozivne naprave i skakanjem sa visine - po jednom.

Samoubistva su izvršena na području općina: Novi Grad - dva, Stari Grad, Centar i Vogošća - po jedno samoubistvo.

Svi izvršioци su muškarci starosne dobi: 25, 27, 60, 61. i 64 godine.

#### OSTALE AKTIVNOSTI

U sklopu aktivnosti na oduzimanju nelegalno posjedovanog oružja i drugih predmeta oduzeta su četiri pištolja, dvije ručne bombe, tri noža i devet komada municije raznog kalibra.

Tokom mjeseca juna ove godine fizičkim licima izdato je 135 odobrenje za nabavku vatrenog oružja i 146 oružnih listova.

#### JAVNI RED I MIR

U toku mjeseca juna 2021. godine u oblasti protiv javnog reda i mira evidentirana su **342 prekršaja** (27 ili 7,3% manje u odnosu na isti mjesec 2020. godine), a za izvršenje navedenih prekršaja prijavljena su **354 lica** (21 ili 5,6% manje).

U navedenim prekršajima nije bilo poginulih ni povrijeđenih lica.

Zbog učinjenih prekršaja u oblasti protiv javnog reda i mira izdat je 301 nalog i podnesen je 41 zahtjev za pokretanje prekršajnog postupka.

Na prekršaje utvrđene Zakonom o prekršajima protiv javnog reda i mira odnosi se 288 prekršaja (ili 84,2%), a na prekršaje koji su utvrđeni Odlukom općinskih vijeća o javnom redu i miru 54 ili 15,8%.

Od ukupnog broja prijavljenih lica, 85 su lica koja su i ranije činila prekršaje (povratnici), a prema starosnoj strukturi učinilaca prekršaja, najbrojniji su u dobi preko 36 godina (175), između 26 i 35 godina (128) i između 19 i 25 godina (51).

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA  
ZA MJESEC JUNI 2021/2020. GODINA

PREKRŠAJI IZ ZAKONA O JRIM:	JUNI 2021.	JUNI 2020.	+ - %
<i>-Tuče</i>	24	22	+2 ili 9,1%
<i>-Naročito drsko ponašanje</i>	52	33	+19 ili 57,6%
<i>-Odbijanje naređenja i omalovaž. pol. služb.</i>	21	37	-16 ili 43,2%
<i>-Neovlaštena upotreba oružja</i>	1	---	+1
<i>-Paljenje petardi</i>	---	---	---
<i>-Prosjačenje</i>	112	181	-69 ili 38,1%
<i>-Svađa, vika, nepristojno ponašanje</i>	16	7	+9 ili 128,6%
<i>-Uživanje opojne droge na javnom mjestu</i>	8	2	+6 ili 300%
<i>-Ostali prekršaji iz Zakona o JRiM</i>	54	49	+16 ili 32,6%
Prekršaji prema Odluci općinskog vijeća o JRiM	54	38	+16 ili 42,1%
ukupno	342	369	-27 ili 7,3%

Tokom mjeseca juna 2021. godine, u odnosu na juni 2020. godine, prema strukturi prekršaja povećan je broj sljedećih prekršaja:

- naročito drsko ponašanje za 19 ili 57,6%,
- prekršaji koji su regulisani Odlukom općinskih vijeća za 16 ili 42,1%,
- ostali prekršaji iz Zakona o JRiM za 16 ili 32,6%,
- svađa, vika, nepristojno ponašanje za devet ili 128,6%,
- uživanje opojne droge na javnom mjestu za šest ili 300%,
- tuče za dva ili 9,1% i
- neovlaštena upotreba oružja za jedan prekršaj;

dok je smanjen broj sljedećih prekršaja:

- prosjačenje za 69 ili 38,1% i
- odbijanje naređenja i omalovažavanje policijskih službenika za 16 ili 43,2%.

Prema mjestu izvršenja, najveći broj prekršaja evidentiran je na ulici i na drugim otvorenim prostorima (324 ili 94,7% od ukupnog broja), a znatno manje u ugostiteljskim objektima - osam, dok je na ostalim mjestima evidentirano 10 prekršaja.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA PREMA MJESTU IZVRŠENJA ZA MJESEC JUNI  
2021/2020. GODINE

MJESTO IZVRŠENJA	JUNI 2021.	JUNI 2020.	+ - %
Ugostiteljski objekti	8	4	+4 ili 100%
Ulice i drugi otvoreni prostori	324	350	-26 ili 7,4%
Vozila javnog saobraćaja	---	1	-1
Sportski stadioni i dvorane	---	---	---
Škole i školska dvorišta	---	---	---
Trgovine i zanatske radnje	---	1	-1
Ostala mjesta	10	13	-3 ili 23,1%
UKUPNO	342	369	-27 ili 7,3%

U odnosu na isti mjesec 2020. godine, povećan je broj prekršaja evidentiranih u ugostiteljskim objektima, dok je broj prekršaja na svim ostalim mjestima smanjen.

Na području Kantona Sarajevo u mjesecu junu 2021. godine održano je 186 javnih skupova (107 ili 135,4% više u odnosu na mjesec juni 2020. godine). Policijski službenici Uprave policije proveli su planske aktivnosti za bezbjedno održavanje javnih skupova, a u 13 slučajeva izvršeno je KDZ osiguranje.

## SAOBRAĆAJ

Na području Kantona Sarajevo u mjesecu junu 2021. godine u odnosu na isti mjesec prethodne godine smanjen je ukupan broj saobraćajnih nezgoda i broj nezgoda sa materijalnom štetom, dok je povećan broj nezgoda sa nastradalim licima i broj povrijeđenih lica.

Registровано je 579 saobraćajnih nezgoda (138 ili 19,2 % manje u odnosu na mjesec juni prethodne godine), od čega je 505 sa materijalnom štetom (146 ili 22,4 % manje) i 74 sa nastradalim licima (osam ili 12,1 % više).

Tokom mjeseca juna 2021. godine u saobraćajnim nezgodama na području Kantona Sarajevo 92 lica su povrijeđena (13 ili 16,5 % više), od čega 17 teže (14 ili 466,7 % više) i 75 lakše (jedno ili 1,3 % manje).

UPOREDNI POKAZATELJI SAOBRAĆAJNIH NEZGODA I POSLJEDICA NA PODRUČJU KANTONA SARAJEVO  
ZA MJESEC JUNI 2021./20. GODINE

	juni 2021.	juni 2020.	+,-, %
UKUPNO SAOBRAĆAJNIH NEZGODA	579	717	- 138 ili 19,2 %
Saobraćajne nezgode sa nastradalim licima	74	66	+ 8 ili 12,1 %
Saobraćajne nezgode sa materijalnom štetom	505	651	- 146 ili 22,4 %
POGINULO LICA	0	4	- 4
- vozači	0	3	- 3
-putnici	0	0	-----
- pješaci	0	1	- 1
POVRIJEDENO LICA	92	79	+ 13 ili 16,5 %
- vozači	57	45	+ 12 ili 26,7 %
- putnici	22	19	+3 ili 15,8 %
- pješaci	13	15	- 2 ili 13,3 %

U naselju je registrovano 525 saobraćajnih nezgoda (64 sa povrijeđenim licima i 461. sa materijalnom štetom), van naselja 54 nezgode (10 sa povrijeđenim licima i 44 sa materijalnom štetom).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO  
U MJESECU JUNU 2021. GODINE (U NASELJU I VAN NASELJA)

SAOBRAĆAJNE NEZGODE	SA NASTRADALIM LICIMA			SA MATERIJALNOM ŠTETOM	UKUPNO	POSLJEDICE		
	sa poginulim licima	sa povrijeđenim licima				broj poginulih lica	broj teže povrijeđenih lica	broj lakše povrijeđenih lica
		teže	lakše					
u naselju		13	51	461	<b>525</b>		14	67
van naselja		3	7	44	<b>54</b>		3	8
<b>UKUPNO</b>		<b>16</b>	<b>58</b>	<b>505</b>	<b>579</b>		<b>17</b>	<b>75</b>

Prema kategoriji puta, najveći broj saobraćajnih nezgoda registrovan je:

- na ulicama u naselju - 375 nezgoda u kojima su 53 lica povrijeđena (11 teže i 42 lakše),
- na magistralnim putevima -82. nezgode u kojima je 16 lica povrijeđeno (četiri teže i 12 lakše),
- na lokalnim putevima - 42 (tri lica lakše povrijeđena),



- na regionalnim putevima - 35 (13 lica povrijeđeno, dva teže i 11 lakše),
- na putevima koji se ubrajaju u kategoriju ostalih - 45 saobraćajnih nezgoda u kojima je sedam lica lakše povrijeđeno.

#### POSLEDICE SAOBRAĆAJNIH NEZGODA

Tokom mjeseca juna 2021. godine, u saobraćajnim nezgodama na području Kantona Sarajevo 92 lica su povrijeđena (13 ili 16,5 % više). Poginulih lica nije bilo (u istom mjesecu prošle godine četiri lica su poginula).

#### STEPEN POVREDA UČESNIKA U SAOBRAĆAJNIM NEZGODAMA

Od ukupno 92 povrijeđena lica u saobraćajnim nezgodama 57 je vozača (10 teže i 47 lakše), 22 putnika (dva teže i 20 lakše) i 13 pješaka (pet teže i osam lakše).

Starosna struktura nastradalih lica u saobraćajnim nezgodama je slijedeća:

- ispod 6 godina - jedno lice,
- od 6 do 14 godina - šest,
- od 15 do 20 godina - sedam,
- od 21 do 24 godine - osam,
- od 25 do 30 godina - 20,
- od 31 do 40 godina - 15,
- od 41 do 50 godina - 14,
- od 51 do 65 godina - 11,
- 66 i više godina - osam,
- Nepoznata starosna dob - dva lica.

Starosna struktura nastradalih vozača u saobraćajnim nezgodama je slijedeća:

- od 18 do 23 godine - osam lica,
- od 23 do 30 godina - 18,
- od 30 do 40 godina - 11,
- od 40 do 50 godina - devet,
- od 50 do 60 godina - četiri,
- 60 i više godina - pet,
- nepoznata starosna dob - dva lica.

#### UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju:

- ostalih - 512 (75 lica povrijeđeno, 14 teže i 61. lakše),
- neprilagođena brzina - 65 (17 lica povrijeđeno, tri teže i 14 lakše),
- oštećenje puta - jedna nezgoda (bez nastradalih lica),
- nedostatak saobraćajne signalizacije - jedna nezgoda (bez nastradalih lica).

#### AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom mjeseca juna 2021. godine, policijski službenici Uprave policije MUP-a Kantona Sarajevo kontrolisali su:

- 15.667 vozila i vozača (4.037 manje),
- 3.517 lica u vozilima (1.613 manje),

- pregledali 375 vozila (96 više) i 399 lica u vozilima (145 više).

Zbog tehničke neispravnosti iz saobraćaja su isključena 22 vozila (šest više), 237 vozača je zatečeno da upravljaju vozilom pod dejstvom alkohola (123 manje), 435 vozača je zatečeno da upravljaju vozilom bez korištenja sigurnosnog pojasa (50 manje), 168 bez položenog vozačkog ispita (99 manje), 47 je zatečeno da upravljaju vozilom pod izrečenom zaštitnom mjerom (13 manje), 390 vozača je zatečeno da koriste mobitel tokom vožnje (36 više) i 237 vozila je otkriveno da učestvuju u saobraćaju bez važeće registracije (457 manje).

Zbog kršenja propisa iz oblasti sigurnosti saobraćaja uručeno je 15.645 prekršajnih naloga vozačima (3.350 ili 17,6 % manje u odnosu na juni prošle godine) i podneseno 114 zahtjeva za pokretanje prekršajnog postupka (255 ili 69,1 % manje).

#### MIRUJUĆI SAOBRAĆAJ I KONTROLA PJEŠAKA

Policijski službenici su i tokom mjeseca juna 2021. godine provodili aktivnosti u okviru saobraćaja u mirovanju i kontrole kretanja pješaka.

Vozačima koji su vozila nedozvoljeno parkirali na javnim površinama, uručeno je 7.209 prekršajnih naloga (428 manje), upozorena su 272 vozača (29 manje), a specijalnim vozilom "pauk" premješteno je 89 vozila (126 manje).

Takođe, pješacima, koji su kršili propise, uručeno je 177 prekršajnih naloga (56 više), a upozoreno je 30 pješaka (24 manje).

#### ZAKONITOST U RADU

Tokom mjeseca juna 2021. godine, registrovana su četiri pojedinačna napada (jedan više) na policijske službenike Uprave policije MUP-a Kantona Sarajevo. U napadima su učestvovala četiri lica koja su u tri slučaja koristila fizičku snagu, a u jednom slučaju oruđa i druge predmete.

Napadi su izvršeni na policijske službenike:

- Prve PU - dva napada
- Četvrte PU - jedan
- Pete PU - jedan

Tokom mjeseca juna 2021. godine, razmatrano je 27 predstavki na rad policijskih službenika. Nakon razmatranja Odbor za žalbe građana Skupštine Kantona Sarajevo donio je zaključak da se za 15 predstavki (pet manje) provede unutrašnja istraga, za devet predstavki je odlučeno da se izvrše provjere i prikupi dokumentacija, a za tri da su neosnovane.

Od 27 razmatranih predstavki, 16 je podneseno od strane građana, dok 11 predstavki predstavljaju saznanja iz službe.

Okončano je 11 unutrašnjih istraga, među kojima su četiri neosnovane, četiri su bile bez dovoljno dokaza, dok su tri predstavke osnovane.

## 5. RAD POLICIJE U ZAJEDNICI

U okviru Rada policije u zajednici, policijski službenici Uprave policije MUP-a Kantona Sarajevo su tokom izvještajnog mjeseca preduzimali aktivnosti u cilju uspostavljanja saradnje sa građanima, mjesnim zajednicama, predstavnicima vjerskih zajednica, raznim udruženjima građana i nevladinim organizacijama.

Policajci u zajednici su svakodnevno na terenu, kroz proaktivno djelovanje i kontakte sa građanima, osobljem javnih ustanova, nevladinih i drugih organizacija, osiguravali stvaranje povoljnog ambijenta za život svih kategorija stanovništva.

Po pitanju koordinacije Rada policije u zajednici u saradnji sa vladinim i nevladinim organizacijama kao i implementacije javnih kampanja s ciljem podizanja svijesti građana o važnosti jačanja partnerskog odnosa između policije i lokalne zajednice, realizovne su slijedeće aktivnosti:

- Dana 26.06.2021. godine postavljanjem info-pulta na platou ispred BBI Centra obilježen je Međunarodni dan borbe protiv zloupotrebe droga i nezakonite trgovine drogama;

- U periodu od 22.06.do 24.06.2021. godine u organizaciji Ureda međunarodnog komiteta Crvenog krsta/križa u BiH, održana je radionica na temu: Rad policije u zajednici s fokusom na izazove u provođenju zakona i primjene policijskih ovlaštenja u oblastima migracija na području Kantona Sarajevo, u kojoj je učestvovalo 16 policijskih službenika Uprave policije MUP-a Kantona Sarajevo;

- U mjesecu junu ove godine sa završetkom školske godine uspješno je završena realizacija projekata: „Program socijalizacije s pravom“ i „Jačanje tužilačkih kapaciteta u sistemu krivičnog pravosudja u BiH“ u online modelu, kroz održane radionice u osnovnim i srednjim školama na području Kantona Sarajevo.

U izvještajnom mjesecu nastavljeno je postupanje po naredbama Vlade Kantona Sarajevo vezanih za pandemiju „Koronavirusa“ (COVID 19). Konstantno je vršen obilazak lica kojima je od strane Kantonalne uprave za inspeksijske poslove izrečena mjera ograničenog kretanja (kućni karantin).

Takođe, vršen je obilazak JU „Dom zdravlja Kantona Sarajevo“, pri čemu je posebna pažnja posvećena obilasku trijažnih punktova i kontakta sa dežurnim medicinskim osobljem, a u cilju poboljšanja saradnje, razmjene informacija, sprečavanja narušavanja javnog reda i mira, te prevencije širenja zaraze.

Policajci u zajednici Uprave policije MUP-a Kantona Sarajevo su ostvarivali kontakte sa građanima iz reda romske populacije i migrantima, s ciljem preventivnog djelovanja na pojavu narušavanja javnog reda i mira prosjačenjem, kao i eventualnog činjenja krivičnih djela krađa i „drskih krađa“.

### MIGRANTI

Na osnovu Izvještaja Operativnog tima za pitanja migranata, a prema podacima IOM-a na području Kantona Sarajevo u prihvatnim, azilantskim i imigracionim centrima boravi cca 1.723 migranata.

U mjesecu junu 2021. godine migranti su učestvovali u 13 događaja sa obilježjem krivičnog djela i to:

- Ubistvo (čl. 166 KZ FBiH) – jedan,
- Ubistvo u pokušaju (čl. 166/28 KZ FBiH) – jedan,
- Teška tjelesna ozljeda (čl. 172 KZ FBiH) – dva,
- Lahka tjelesna ozljeda (čl. 173 KZ FBiH) – dva,
- Nasilje u porodici (čl. 222 KZ FBiH) - jedan,
- Posjedovanje i omogućavanje uživanja opojnih droga (čl.239 KZ FBiH-a) – jedan,
- Krađa (čl. 286 KZ FBiH) – jedan,
- Razbojništvo (čl. 289 KZ FBiH) – dva i
- Razbojništvo u pokušaju (čl. 289/28 KZ FBiH) – dva događaja.

Tokom mjeseca juna 2021. godine, službenici policije proveli su ukupno pet akcija, kontrolisali su 154 migranata, od čega 51 nije posjedovao registracijski obrazac, šest je predato službi za poslove sa strancima radi registracije i 94 migranata su smješteni u prihvatne centre na području Kantona Sarajevo.

#### **TABELARNI PREGLED OSNOVNIH STATISTIČKIH POKAZATELJA O MIGRANTSKOJ POPULACIJI**

<b>MJESEC JUNI 2021. GODINE</b>	<b>KANTON SARAJEVO</b>
UKUPAN BROJ MIGRANATA KOJI BORAVI NA PODRUČJU KANTONA SARAJEVO (SLOBODNA PROCJENA I PODACI IOM-a)	1.723
UKUPAN BROJ KONTROLISANIH MIGRANATA	154
BROJ MIGRANATA LIŠENIH SLOBODE	5
BROJ KRIVIČNIH DJELA POČINJENIH OD STRANE MIGRANATA	13
BROJ PREKRŠAJA POČINJENIH OD STRANE MIGRANATA	0
BROJ INCIDENATA POČINJENIH OD STRANE MIGRANATA	11
BROJ MIGRANATA KOJI SU VRAĆENI IZ SUSJEDNIH DRŽAVA	0
BROJ AKCIJA POLICIJE VEZANIH ZA KRIJUMČARENJE ILEGALNIH MIGRANATA	5
BROJ MIGRANATA PREDATIH U IMIGRACIONI CENTAR ILI SLUŽBI ZA POSLOVE SA STRANCIMA	100

Odjeljenje za odnose s javnošću  
Sarajevo, 12.07.2021.godine